



Universitätsbibliothek Paderborn

**Confessionale,|| In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

III. V. debeat Confessio sic esse integra, vt poenitens omnia peccata,
etiam occultissima cordis, confiteatur.

urn:nbn:de:hbz:466:1-30362

Caput III. De Qualitate

quod sit integra; alias ficta esset, quae ideo conditio postulat, ut sit fidelis, & vera. Et similiter, quod sit nuda, cum circumstantiis necessariis. Et rursus parere parata: Nam cum sit actus iudicialis, debet penitentes, sicut reus, parere iudici, clave non errante.

Alia vero est conditio, quae licet non sit usque ad necessaria, quin absque illa Confessio esset valida; tamen est humano modo necessaria, ut sine qua Sacramentum Penitentiae, Confessionisque usus retineri in Ecclesia non posset, & haec est, ut sit secreta; alioquin à Confessione omnes abhorrent.

Sed & aliæ sunt in tertio gradu, quæ duplum habent sensum; & in uno sensu sunt necessariae; in altero vero non item.

Quin vero, quædam sunt duntaxat de conilio, ac nullo modo ad Confessionis essentiam pertinent, ut accelerata & frequens.

Quæstio IV. Debetne Confessio sic esse integra, ut pœnitens omnia peccata, etiam occultiissima cordis, confiteatur?

Responso. OMNIS Christianus tenetur omnia sua peccata mortalia, siue secreta ea sint, siue manifesta, post Baptismum commissa, quorum memoriam habet, suo Sacerdoti integrè confiteri.

Ac PRIMO quidem probatur ex illo
Ioan. 20. Ioannis: Quorum remiseritis peccata, remittun-

mittuntur eis; & quorum retinueritis, retenta sunt, Quorum verborum hic est sensus: Peccata, quæ vos remiseritis, & ego remittam; quæ verò vos non remiseritis, nec ego remittam. Iam de Christo satis superq; constat, quod vel nullum, vel omnia simul mortisera remittat: eò, quod scelerum condonatio fiat per gratiæ Diuinæ infusionē, & amicitiæ cum D EO, redintegrationē, quibuscum nequit consistere peccatum. Atque illud est, quod inquit S. Augustinus: Impium est à D EO sperare dimidiatam veniam.

Cùm igitur iudicium Sacerdotis per omnia debeat conformari sententiæ Diuinæ; necessarium est, ut omnium criminum habeat cognitionē Confessarius; si pœnitens omniū vult consequi condonationem: Alioqui, si Sacerdos ab iis duntaxat absoluat, quæ per Cōfessionem excepit, & ea retineat, quæ pœnitens reticuit: hinc cōficitur, & DEVM duntaxat dimidiatā largiri veniam, necnon gratiam amicitiamque Diuinam cū peccato & D EI inimicitia, in eodem homine confitere, quorum vtrōq; nihil potest absurdius excogitari. Ac si diligenter aduertamus, intelligemus, Christum hoc loci non obscure id insinuasse, dum inquit: Quorum remiseritis &c. Et quorum retinueritis &c. Et nō hoc modo; Quæ remiseritis &c. & quæ retinueritis &c, scilicet indicauit, se nō quædā remittere; alia verò retinere, sed vel omnia simul, vel nulla.

Caput III. De Qualitate

Matth. 16, SECUNDO, apud Matthæum promittitur Apostolis ligandi, soluendiq; potestas; sed humanæ facultatis non est discernerere inter peccatores, qui ligandi, aut soluendi sint, nisi cognita causa; Causa autem alia non est, quam peccatum: Igitur omnia sunt in Confessione proferenda; propterea, quod omnia sint soluenda, vel liganda.

POSTREMO, hanc Confessionis integritatem clarè satis comprobari posse existimo, tūm ex illo Iacobi: Confitemini alterum peccata vestra; tūm etiā ex illo Actorum: Confitentes actus suos. Etenim, cū iuxta S. Scripturæ consuetudinem indefinitæ (quas vocant) propositiones in sensum vniuersalem accipi, & intelligi debeant, cuiusmodi sunt: Pasce oves meas, p̄imis tūm omnes: Christus mortuus est pro peccatoribus, nemine videlicet excepto; planum evadit, etiam hæc Scripturæ testimonia citra exceptionem esse intelligenda, ac proinde cuncta in vniuersum peccata, quomodounque patrata fuerint, per Confessionem proprio Sacerdoti esse reuelanda.

Suadent quoque hanc fidei veritatem, & doctrinam cōplures, ex ratione naturali, argumentationes de promptæ.

PRIMO quidem, probatur per similitudinem, quam habet peccatum, siue morbus animæ cū morbo corporali: Nam æger pluribus confessus morbis, si desideret ope medici

Iacob. 5.

A&to. 9.

Ioan. 21.

medici curari, debet omnē morbū ipsi pandere; eò, quòd sæpenumerò vñus morbus per alium aggrauetur, vt cognito morbo, & his, quæ ipsum aggrauant, medicus debitā adhibeat medicinam. Et confirmatur hoc idem, quia nonnunquam medicina huic medetur morbo, alteri verò incommodat; ac proinde necessarium est, si rectè atque ordine sanari velit, omnem morbum medico pandat. Quare, qui multis morbis animæ, id est, peccatis laborat, omnes eos medico aperire spirituali, id est, Sacerdoti, vicem D E I tenenti, vt debitè curetur, necessarium est: Nam haud secus vnum peccatum alterius accessione aggrauiatur, atque vñus morbus alterius adiunctione.

D E I N D E, confirmatur idem; quia peccator non solum indiget medicina, qua peccati morbus tollatur; sed etiam præseruativa à lapsu, seu à peccato futuro, quale est cōfiliū Sacerdotis, seu præceptum de vitudis peccatorum occasionibus. Consulere autem commodè nō potest, nisi Sacerdos sciat integrè vitia, & peccata, & vitæ rationem ipsius pœnitentis; cùm consilium ad vnius peccati deuitationem accommodatum, alteri peccato perpetrando aperire possit fenestrā, occasionemq; præbere.

T E R T I O, idem probatur ex eo, quòd signum, & res signata debeant inter se conformari & respondere. Confessio autē vo-

E 6 calis

Caput III. D Qualitate

calis signum est contritionis mentalis; sed cōtritio debet esse integra, de omnibus mortalibus: Qui enim de uno conteritur, necesse est, de omnibus conteratur, ut vera ac salutaris sit contritio. Igitur & Confessio debet integrè de omnibus fieri, ne ficta sit, & inutilis.

Q V A R T O, id probatur ex fine virtutis Pœnitentiæ: Confessio siquidem Sacramentalis, in hoc differt à criminali & iudiciali, quod Iudex in foro exteriori non spectat, nisi malefactorum vindictam & punitionem, & ideo Confessionem nō requirit, nisi illius criminis, de quo vult supplicium sumere; Confessionis verò Sacramentalis finis est, reconciliari DEO, & peccatorem corriger; hoc autem fieri non potest, nisi pœnitens suum vitæ statum, qualis sit, Sacerdoti pandat. Id quod, nisi omnia peccata etiam intima cordis aperiat, perficere nequit.

Q V I N T O, id probatur ex usu Ecclesiae: Nullus enim Sacerdos audiret dimidiā peccatorum partem.

S E X T O, probatur inde, quod Confessio dimidiata est contra visitatam formam Absolutionis, qua dicitur: Ego absolu te ab omnibus peccatis tuis. Si ab omnibus absoluitur, necesse est, ut etiam omnium Confessio præcedat.

Suntne